



ATASSUT INATSIARTUNI

ATASSUT

UKA 2013/88-1

Gerhardt Petersen

16.10.13

Naalackersuisut Aatsitassanut inatsimmut UPA 14-imut allannguutissatut siunnersuummik saqqummiussinissamut pisussaaffilerneqarnissaat pillugu Inatsisartut aalajangiussassaattut siunnersuut, taamaalilluni uran aamma thorium atominit qaartartuliornermi atortussiassatut nassuiarneqartussanngorlugit aamma suliareqqitaanatik saffiugassatut (ore) pissuseqartillugit, taamaalilluni inatsimmi atortussiassat radiop qinngornerinik navianartunik akullit atortussiassallu allat ersarissumik immikkoortinneqaleqqullugit, avatangiisinut tunngasutigut piumasaqaatit eqqarsaatigalugit tamatumani aamma ilanngullugit piiaanermit sinnikorineqartut (tailings) aammalu piiaaaffiusimasup matuneqarnerani igitassat.

(Inuit Ataqtigiit Inatsisartuni ilaasortaataat)

Inuit Ataqtigiit Inatsisartuni ilaasortaataasa matumani siunnersuutigaat aatsitassat pillugit inatsit allanngortinneqassasoq allannguinermilu uran aamma thorium atominit qaartartuliornermi atortussiassatut nassuiarneqartussanngorneqassasut.

Siullermik ATASSUT-mit nassuerutigissavarput assut assorsuaq paasiuminaatsikkatsigu Inuit Ataqtigiit aatsitassat pillugit politikikkut qanoq inissisimanersut.

Siorna Naalackersuisuunerminni uranisiornissaq aqqtissiuuppaat ullumikkullu illuatungiliuttuunerminni uranitalinnik attueqqusinnngilluinnarneq ataannaqqullugu tamaviaalernikuullutik.

Inuit Ataqtigiit siuttuuffigisaannik aatsitassanik uranitalinnik allanillu radiop qinngornitalinnik aatsitassarsiortoqarsinnaanera siunertaralugu Narsap eqqaani Kuannersuarni ingerlatseqatigiiffik Greenland Minerals and Energy arlaleriarlugu Naalackersuisunit akuersissutinik tunineqartarpoq,



ATASSUT INATSIARTUNI

massakkullu akuersissutinik tunniussisimasut mumingarluinnaanik siunertaqalersimallutik Inatsisartuni matuminnga siunnersuuteqarput.

Inuit Ataqatigiit aperisariaqarpagut taamatut iliornerminni nunatta aningaasaliiffigiومانeqarneranut iliuusertik pitsanngorsaataasussatut takorloorneraat? Inuit Ataqatigiit piareersimasimassapput suliffeqarfik aningaasartuutigisimasaminik matussuseqqusilluni piumasaqalissappat?

Allatut ajornartumik Inuit Ataqatigiit erseqqissaateqarnissaannik taamatut piunaffigisariaqalerpagut apeqqutinut taamak pingaaruteqartigisunut taamak sangujoraartigisumik naalakkersuinikkut ingerlatsineq inuiaqatigiinnut arlaannaatigullunniit iluaqutaanavianngitsoq Inuit Ataqatigiit namminneerlutik nalussagunangimmassuk aammalu unneqqarissumik suniarnertik erseqqissartariaqarmassuk.

Annilaangasaarinerit, ersisaarinerit allaallu paasissutissanik eqqunngitsunik innuttaasunut ataavartumik siaruarterinerit pissutigalugit aalassassimaarneq annertoorujussuaq ulluni makkunani nunatsinni inuiaqatigiinnguanut allaat avissaartuunnermik kinguneqarpoq, tamanna Inuit Ataqatigiit peqataaffigilluinnarmassuk unneqqarissumik nassuitsumillu innuttaasunut kiinnertoqartariaqarpoq.

ATASSUT-mit ilanngullugu nassuerutigissavarput assut maqaasigatsigu namminersorneq pillugu inatsisip ilusilersorneqarnerani aammalu kingusinnerusukkut aatsitassat pillugit inatsit aammalu suliniutinut annertuunut pillugit inatsit Inatsisartuni partiit mikisualutsigut assigiinngitsunik piumasaqartaraluarluta, suliarinninitsinni ataatsimoorluta illinilioqatigiinnerput.

Tamannali uniffigissanngilarput, matumani tupaallaatigeqisatsinnik Inuit Ataqatigiit nunatsinni uranisiortoqarsinnaanerani misissuisitsinermi siuttooriarlutik massakkut siunnersuutigimmassuk aatsitassat uran aamma thorium atominit qaartartuliornermi atortussiassat nassuiarneqartussanngorlugit aamma suliareqqitaanatik saffiugassatut (ore) pissuseqartillugit, taamaalilluni inatsimmi atortussiassat radiop qinngornerinik navianartunik akullit atortussiassallu allat ersarissumik immikkoortinneqaleqqullugit, avatangiisinut tunngasutigut piumasaaqatit



ATASSUT INATSISARTUNI

eqqarsaatigalugit tamatumani aamma ilanngullugit piiannermit sinnikorineqartut (tailings) aammalu piiiaffiusimasup matuneqarnerani igitassat.

Inuit Ataatigiit qulequtsiussaammat matumani tamaat issuarparput paatsuunganerput minnerulersinnaaniassammata taasissutissamik taamaattumik saqqummiussinermi Kuannersuarni sumiiffinnilu allani uranimik aatsitassanillu allanik ulorianartumik qinngornilinnik piiasoqarsinnaanissannik unitsitsilluinnartoqarnissaanik piumasaaqatigalutik aatsitassat pillugit inatsimmik allannguisoqarnissaanik siunnersuuteqarnermi immikkoortitsilernissamik piumasaaqataat sumut atorneqassanersoq tamatta paasisinnaasatsinnik nassuiaateqarniassammata.

Aatsitassarsiornermut inatsisip ilusilersorneqarnera Inuit Ataatigiit peqataaffiginikuugamikku eqqaamassajunnarsivaat inuit, uumasut avatangiisillu illersorneqarnissaat qulakkeerniarlugu piumasaaqatit sakkortoorujussooreertut, taamaammata ATASSUT-mit matumani siunnersuutigineqartoq naapertussallugu pisariaqarsorinngilarput – isumannaallisaaneq annertoq pioreerpoq.

Taamatut oqaaseqarluta ATASSUT-mit inassutigissavarput siunnersuut ilalernerneqassanngitsoq taamatullu iluseqarluni aappassaaneerneqassasoq.